

395/1
Lumasaaba
Paper 1
2024
2 hours



UGANDA NATIONAL EXAMINATIONS BOARD

Uganda Certificate of Education

LUMASAABA

Lupapula luunyoowa

Tsisaawa tsibili

INDAKIILILO:

*Lupapula luno lulimo bisiintsa **bibili**; A ni B.*

*Mu byosi ilamo bireebo **bibili**.*

*Mu shisiintsa A, robolakho sireebo **sitweela** 1(a) namwe (b).*

*Ulinikhukhola shisiintsa **B**.*

Ukhwilamo bireebo bituuma bikhurebwile sishifukirisibwa ta.

Ililamo khu lupapula isi bakhuwele lulundi.

SHISIINTSA A

1. *Robolakho sireebo sitweela (a) namwe (b).*

- (a) Yaaya woowo ali khurengekharengakha kumukholo kwe bukhwaale bukhosefu, kutsya khubawo mumbuka iye kimyese kitaru khukhwama aluno ari. Ne asiili khufuna bikanibwa khumukholo kuno byosi ta. Nasiryo iwe ni naye mwalangile besikuuka ni basaale khukanika khungeli iye khuba ni kumukholo kuno.

Kumulimo:

Rona bibiindu byeesi mwakanikhakho mubilomo 150-200.

Namwe

- (b) Khulolelela lifundo lye bikyale lilyokeesebwa khu tsi nakhalondo tsye bifwaani mubifo bikhaali bitweela ta. Shareerere khutumbukha mungo mwe tsindaalo tsino. Nawe uli mutweela khubalooleleli?

Kumulimo:

Ufukiilisa namwe ta. Rona mulomo 350-400 nga uwayo intsambasa yoowo.

SHISIINTSA B

KHUYUUSA LULOOMO

2. *Soma burone bukhuwelebwile ubuyyuse khukhwama mulusungu uburone mu Lumasaaba.*

Down the road after the first set of twins, the couple was blessed with another set. This time they were girls, whom they named Sarah Mukhwana and Stella Namono. They are now two years old.

Aunt Natondo discovered she was carrying twins after six months. However, she would not spend much since the girls would use most of the things for their twin brothers.

“The joy of welcoming two family members at once is exciting. Our house is full of joy. It is interesting to watch the children grow with different personalities”.

According to her, their children have strengthened their marriage for they have common goals. They have big plans because they have many children and ever since they had the twins, they have achieved a lot. As they are about to give up, they are compelled to work harder because they have to feed and pay their children’s school fees timely.

395/1
LUMASAABA
Paper 1
2024



UGANDA NATIONAL EXAMINATIONS BOARD

Uganda Certificate of Education

LUMASAABA

Lupapula luunyoowa

SCORING GUIDE

SCORING GUIDE FOR 395/1 LUMASABA

Bibikanibwa:

Qn.1 (a) Bibikanibwa mu burone buno:

- Kumurwe
- Bakhabelewo ni lukusa
- Bakhabelewo akhali Lukusa ta.
- Kimirwe kye biteeso
- Beteeso (1, 2, 3, 4, 5, 6 &7)

Nabaroni
syangumu
Lisiina
Nasitsolongo
Syangumu
Lisiina

Bikhulu/Biteeso/Minatisi

Siteeso 1: 01/2023: Isaaba

Siteeso 2: 02/2023: khukhwiangula.

Siteeso 3: 02/2023: Bubakha bwa Nasitsolongo

Siteeso 4: 03/2023: Biteeso Khu byeesi akanikhilekho

Siteeso 4,5,6: Biteeso bihaamba Khumukholo

Siteeso 7: Khukhwikalawo

Bikanibwa:

Qn. 1 (b) Bibikanibwa mu burone buno:

Khukanikha
bibiilimo
Bye khukhwilamo

Khufukiilisa

- Kamaaya Mungo
- Basaani bamala imbuka ingali ibulafu
- Bonakisa liwuumule lyeesi byanyala basomesalamo babaana
- Babaana bamala imbuka ingali nga baloleelela lifuundo bebilila kusoma
- Babaana barambisa liwuumule lye bisale bye lilekelo balira mu lifundo

Khukaranganisa:

- Nga batalile bafuna kamafurisa
- Baafuna kimilimo ibulafu
- Basomeselamo babaana
- Khukhwimisawo ango.

Qn.2: Khuuyusa burone ubwise mulumasaaba.

- Khurambisa tsilomo tsikhulu mu burone nga wokesa byeesi bimanyisa.
- Khurona lulomo lumasaaba nga ulondelela kamakambila ke khurona.
- khurusayo bulaayi Kamakhulu kakaali mu buroone.

Shaburawa:

- *Byehaankakyi biri she khubonelakho khu byeesi balekelwa banyala barambisa khurona burone bwabwee.*
- *Nalundi, balekelwa balini khurambisa bibawelebwile haankakyi khuwandikha mu buyuuyu oba mu busiintsa.*

395/2
LUMASAABA
Paper 2
2024
2½ hours



UGANDA NATIONAL EXAMINATIONS BOARD

Uganda Certificate of Education

LUMASAABA

Lupapula Lwakhabili
Tsiingano

Tsisaawa tsibili ni shisintsa

INDAKIILILO:

*Lupapula luno lulimo bisiintsa **bitaru**; A, B ni C.*

Yilamo bireebo byosi mu bisiintsa A ni B.

*Mu shisiintsa C, mulimo bireebo **bibili**; 3 ni 4. Robolakho sireebo **shitweela**.*

*Mu byosi ilamu bireebo **bitaru**.*

Ililamo mu khulupapula isi bakhuwele lulundi.

SHISIINTSA A: BURONE

1. *Soma burone bukhuwelebwile umaale wilemo nga nisikanibwa.*

Bukuuka niyo sitweela khuminiongo kye Bamasaaba. Mu bukuuka mulimo burangilisi mumitendela kyikhali mitweela ta. Uyo ufuura lidaala mubarangilisi bayeeta umukuuka niyo khatukhila.

Khatukhila amanyikha naabi lwe khukhwinyaa kumwinyawo kwe tsimbiki. Akwinyaatsaka akhaba nga ali mwikayilo nalundi nga ali khukhupilisa tsimbuusano ni barangilisi bashye. Shahaandalisibwa shiri Nataka uwaba khatukhila mu burangilisi bwo'mukuuka Bob Mushikori abe akana naabi kiminyawo kyikhali mitweela ta.

Aba umusaani "wa burawa", enyaatsaka kumwinyawo kwe khukhweesa nga ali khurekeresa tsitsilwatso tsye babaandu babetsile mwikayilo, ne khutsakamo waba awayo ikhaalawo yesi bulimundu afukilisatsaka ari iya ngaali.

Khumbuka iyo, babaana bekhaana ni bakhaasi sibafukilisibwa khukhwinyaa kumwinyawo kuno ta. Khufurila ilala bakyelema abaama mungo mu khutambi. Bano abe khuwaamba khumweso shayiilibwa nga shiibi naabi. Nga baloma bari, bakyelema nga bareere kumukhono mu malowo ke kumweso biliimwa sibibaala ta. Shino shalomekha shiryo lwekhuuba bakyelema baaba ni kifunisi iye khuliima bilyo mungo. Nasiryo, khurewulibwa khwe bakyelema khwaba khwe ilomo ikhuulu naabi.

Babaana bekhaana basiili bafiiti baaba kambilatsaka khuula khwiminila mu mwinyawo kuno ta. Lwelomo ndi nga benyayile, kamafungu khubifuba byabwe sikatsowa ta. Ikhumalilisa syabakhasisa khufuna bukhwaale. Lwe khurya khula khufuna bukhwaale shakila babaana bakhaana barusayo bibyambaaso byawe isi kumwinyawo kuno. Shyakiila bakhaasi ni babaana bekhaana kyimilimo kyabwe kyaraama khuuba nga baramba mungo ni khukhalaabana ni ba mayi baabwe khu kye mukunda.

Siisindi syaburawa shye khukhebulila nalundi shye kamaani, khumwinyawo kuno kwareeratsaka babekhaali mu butweela bapanisa bibyambaaso khu bindu bikhali bitweela ta. Abe babaandu bakali bama tsimande ukhwinyaa kumweeso mubireekere.

Besooleli nabo sibabafukilisibwa ukhwinyaa ta. Nabo baaba ni bye khukhola. Kumulimo kwabwe kwaba kwe khukhwaya tsikhaafu, tsimbusi ni khamakheese. Ne nibo baaba ni khaabi, abe nga batsile bubwayi batikhulatsaka bulowo mwiloba namwe khulwanda bangala bubaale bufiiti namwe babuumba tsikholoto isi barambisatsaka nga tsimbiki khukhwesa.

Nga wemenyelesele byesi basooleli bano baakhola, shisontsoola bikhola bye bulowo bikhali bitweela mwinambo lino. Nga ilomo yino yabele iya ngaali shiiba shilekha nga wireeba uri, basooleli baano bayabatsakila shina bulowo buno khumabaale.

Nga babekhali babandi bamaliila kamaani kaabwe mukhweesa, baba bebilila ikifuunisi iye khuba umusaani mungo. Intsibirisa yino yakyila

barangirisi mubirifa byabwe bareewula babekhali khubanga behaambila mu milimo kyitsowesa mutsingo. Abandi, bawuuli bakhalaawo khula khubafukilisa khuhweesa ta. Ne khufura bara kamaani khubasaani babarambisatsaka tsilomo tsye bubwooni.

Bamasaaba ni kiminiongo kyabwe, sibafukilisi babaandu babwe ukhwinyaa nga inyanga yakwile ta. Baba ni ntsibasa iloma iri “nga wenyayile mushiilo ne khaabi imbi sikhingi walila, unyala walwala burafu naabi naamwe wafiilawo”. Nga warusilekho bibiitsa ni sikhingi, babalobela ukhwinyaa asiilo lwekhuba basaani nga belile khumwinyawo banyala beyibaala shisyalo shabwe shafuuna bihaangafu bitundubikha.

Babekhaali babaatsyatsaka mwikayilo sibafukilisibwatska ta. Nalundi ni babeene abe sibanyala bashikhola ta. Lwe lomo iyabawo nga iloma iri, nga wenyayiile kumweeso nga uli mwikayilo, Shikayiilo shama mo kumusango kufuura.

Biino bitweela isi Bamasaaba balolelesa naabi khumu boolo ukwo.

Bye khukhola:

- (a) Khusintsilila nga nusomele lukano luno, wayoo shitsilililwa shyo mukanikhi mu lukano luno.
- (b) Khusintsilila khu lukano, bakyelema ni babaana bekhana sibafukilisibwa khukhweesa ta. Sontsoola bibya kyila.
- (c) Tsingeli shiina isi kamakambila kaba kekumukaso mummyinyawo?
- (d) Rona bibiindu bikhulu byesi wiyiikile mu lukano luno.

SHISIINTSA B: KHURONA MU BWIMBI

2. *Soma burone bukhuwelebwile umale wilemo nga ni bakhureebele.*

Sibala shayilibwile ni inganikha ihaambakana ni basooleli. Kimikhoosi kye kamakhuwa kyetsuule bino byongene ate nga biliwo bibiindu bibindi bye lisunu isi banamakhuwa banyala ba khwokesa. Shye khubonelakho nga kamaleekelo keefe sikali ni baleekeli, bibiina ni birambisibwa sibimala ta. Babaana baleekelwa bekhupiile mubikholwa bikhali bilayi ta nga khurambisa bilesilesi bimeesa.

Bibindu bino byoosi byakhiile khukanikhibwakho mu bulayi khu nakholondo tsya buraawa. Nasiryo, nga iwe umusooleli siwakhiile khuura kamaani koowo koosi khu nakhalondo khufuna bwino ta. Kila ubona babaandu bafuura bukali mwinambo lyeeffe sibara kamaani khubindu biili khumulamwa ta.

Iwe nga umusooleli, uweebwa kamakesi khuurama winyahaa nibaasyo, waakhola byeesi bakhwa khukholela ingo, waakanikha nibaasyo

be riika yoowo ni babaandu bakhulu. Bano bakhureerera khubalaayisa intsambasa yoowo.

Ne noborokha weela khurambisa tsi nakhalondo tseye bifaani ni kimikhoosi kyili khumbewo kyikhali mitweela ta, siyuusa intsibaasa yoowo warura mu bulamu bwa busheelee weela mwimenya lye bubeeyi. Biikali byeesi khubona biba bye bubeeyi.

Nasiryo basolooli mwakhiile khuurura khu sambo yino ne busa mumaliilisa muli khumenya bulamu bwe kamarooro. Nga simwekhaliikhile ne mwiila khurambisa bibyuuma bye basambametsi naabi, muba mumala imbuka yenywe isi munyala mwakholelamo bibiindu bibindi.

Akhaaba nga wasoma naabi nooli ni kumutse kwe khulolelela bifaani khu nakhalondo, bubwoongo bwoowo butorwala, wekhilila mukhwambasa. Sikiila ubona babaandu bakali sibanyala khumanya byeesi bakana nga mbakhulola khushuuma namakesi ta.

Khumala imbuka ingali nga ulolelela nakholondo iye bafaani ni kyimikhoosi kyikwa mufubo yino, sireerela basoleli khukhwikaana kiminyongo kyaabwe. Sisiba shye khuswaala ta? Byesi babona nibyo byesi babuukha ninabyo akhaba nga sibabiimanya ta. Tsino tsiba tsisambo tsimbi balebe khufurisa mu baana basomi! Suubona basolooli bakaali batandikha khulolelela bifaani bye buwemu nga bafunile ikhabi khuuba ni sishuma sya namakesi?

Inywe nga basoleli be kumuboolo kuno mwakhiile khukhwikhaanya kamakesi 'kamaya' mwangale mo ibyo bibayeeta khukhwombekha bubwongo bweenywe nga kaboongela khumanya wakila manya mwareerawo intsowatsowana. Muure kamaani mu khusoma, khuwentselesa, nalundi musome bitaabu bye kamakesi. Iwe ukholashi khwiibyo?

Kumulimo

Lwanyuma lwe khusoma burone buno, waboone biikali bibihaamba khu tsinakhalondo tse bifaani. Mu lomo **80-90**, rona byeesi ubona nga bye bukosi isi basoleli.

SHISIINTSA C: KIMINIONGO NINSTIIBIRISA IYE BAMASAABA

Mu shisiintsa shino, khola namba 3 namwe 4.

3. Musaale woowo uwe soleeli ubeele asomela mwileekelo lye aleeyi ni Bamasaaba, wakoobole khu lwe khuba wolele khukhwingila imbalu. Bifuukhu byolele ne siwamanyakho syoosi sihaambakana ni kimisilo kye imbalu ta.

Kumulimo

Iwe musaale weewe umanyile bye kimisilo kye imbalu, rona nga usontsoolela musaale woowo bibiindu biiba mu Mbalu khukhwama imatandikha khukhwola newingila mubusaani.

Namwe

4. Yaya woowo uwa seenge aasalikhila mu shibala she basuungu khukhwolesa mu bukhulu bwewe. Ari wakoboole, ne intsibirisa yewe sili khuhaambakana ni ye mu shimasaaba ta.

Kumulimo

Inga yaya weewe umulayi, umanyile ingola ni intsibirisa ye Bamasaaba, mubolele ingeli isi ali ni khukhwibirisamo.

395/2
LUMASAABA
Paper 2
2024



UGANDA NATIONAL EXAMINATIONS BOARD

Uganda Certificate of Education

LUMASAABA

Lupapula Lwakhabili
Tsiingano

SCORING GUIDE

SCORING GUIDE FOR 395/2 LUMASAABA

SHISIINTSA A: BURONE

Bibikanibwa:

Qn 1(a) Shitsilililwa shyo mu kanikhi

- Khurewula.
- khumanyisa
- Khuleekela.

Qn 1(b) Bibya kyila bakyelema ni babaana bekhana baba nga sibafukilisibwa khukhweesa ta:

- Khuulinda tsisaambo.
- Khuura kamaani ni kuuwa imbuka bulimi.
- Khulekeela bakhaana tsisaambo.

Qn 1(c) kumukaso kwekamakambila mumwinyawo:

- Khu linda Lukoosi.
- Khura mubandu butweela.
- Khulinda tsisaambo.
- Khuulimda imbuka.
- Khulerawo intsowatsowana.
- Karera Isangalo.

Qn1(d) byekhuhwiyika mu lukano:

- Burangirisi buulayi.
- Bye khukhwilinda.
- Khukabananisa kibilimo.
- Buutweela ni khukholakana.

Shaburawa:

- *Burone bukhuwelebwire bulimo bireebo biine (a) paka khu (d) khutandikha ni khumaanya paka khu khurambisa burone bukhuwelebwire mu bulamu bwa busheele.*
- *Balekeelwa bali ni khurambisa byekhubonerakho bibawelebwire hankaki khuwandikha burone bwabwe mu buyuuyu oba mu busiintsa.*

SHISIINTSA B: KHURONA MU BWIMBI

Qn. (2) Bibikanibwa mu burone bu bwimbi:

➤ Kumurwe:

“BIKOSI BYE BASOLOOLI KHULOLEELELA TSI NAKHALONDO TSYE BIFAANI.”

➤ Bikosi:

- Khurambisa nakhalondo tsefe bifaani siyuusa Intsibaasa iye basoololi-barura mu bulamu bwa busheele beela mwi mwenya lye buyeyani.
- Khurambisa bibyuuma bye basambametsi naabi bimala imbuka iye basoololi isibanyala bakholelamu bibindu bibindi byekumukaso.
- Akhaba nga umusoololi wasoma ne ali ni kumutse kwe khuloleelela bifaani khunakhalondo, bubwongo bweewe butorowala wekhilila muntsibaasa.
- Khumala imbuka ingali nga umusoololi alondelelela bifaani khu na khalondo, sirera basoololi batandikha khulolendelelela bifaani bye buwemu nga bafunile ikhaabi iye khuuba ni sishuma sha namakesi.

Shaburawa:

- *Byehaankakyi biri she khubonerakho byeesi balekelwa banyala barambisa khurona mu bwimbi nga bawandikha nga nibyilondelela.*
- *Nalundi, balekelwa balini khurambisa bibawelebwile haankhakyi khuwandikha mu buyuuyu oba mu busiintsa.*

SHISIINTSA C: KIMINIONGO NINSTIIBIRISA IYE BAMASAABA

Qn (3) Bibikanibwa:

1. Indandikha:

- Boola imbalu nisho si
- Banaanu ba kyisaaya
- Iba mwaakha/mwiiko si

2. Bibiikanibwa mu burone buno:

- Indengekharengakha iye khu khwingila mu busaani.
- Khuwakala bitsentse
- Khubuusa biikwaaro shekhubonerakho nga: (kamalubisi, kamatongo, tsikweena) mubifitifiti.

- Khusaamba isongya.
- Khukhupibwa ikhuwakhiwa kamamela mu shifukhu she khukoya.
- Khusinyisibwa.
- khukenyisa baalebe.
- khuyilibwa ibwi – waana
- khutsya itosi ni khulongebwa litosi
- Khutsya mwikombe
- Khusaabisibwa
- Khukhwiyaalula
- Khukhina inemba

3. Intsakamo:

Kanikha khu buulayi ni buubi buli mumbalu.

Shaburawa:

- *Byehaankakyi biri she khubonerakho byeesi balekelwa banyala barambisa khurona burone bwabwee.*
- *Nalundi, balekelwa balini khurambisa bibawelebwile haankhakyi khuwandikha mu buyuuyu oba mu busiintsa.*

Qn (4) Bibikanibwa:

1. Indandikha:

- Kanikha ku ngeli tsikhali ndwela tsesi babaandu bibirisamo mushimasaaba she khubonelakho nga: khukwaara, khukyenda , khukanikha, khukheesa mubififiti.
- Bibikanibwa mu burone; umumasaaba ibirisa mu ngeli tsya burawa; basaani bibirisa lwayo ni bakhaana nabo lwayo.

2. Bibikanibwa mu burone buno:

- Bakhaana / Bakyelema:
 - Baafukhama no bakhesa.
 - Bakwara bulayi tsinanga tsindeeyi.
 - Bakyenda bulayi sibinyabulaka ta.
 - Bakhola ki milimo mungo nga khulima, khuteekha, khungona muntsu.
 - Baawa babaandu bakhulu / basaali lukooosi.
 - Bali ni khulondelela kiminiongo kye Bamasaaba
 - Bali ni khukhwimiliyisa.
 - Bali ni khukanikha tsilomo tsindayi akhuba tyse buwemu ta.
 - Balini khukwisa lukooosi mu basakhulu baabwee.

➤ Basinde / Basaani:

- Bali ni khukwaara bulayi
- Balini khukanikha bulayi
- Baarya weele
- Baramba kimilimo
- Bayeeta basaali babwee
- Bali ni khuyila bakyelama mu mikhoosi kimyeene kye shimasaaba

3. Intsakamo:

Intsibirisa iye bamasaaba yalolelelatsaka babaana behaana ni bakyelema atwela ni basinde ni basani.

Shaburawa:

- ***Byehaankakyi biri she khubonerakho byeesi balekelwa banyala barambisa khurona burone bwabwee.***
- ***Nalundi, balekelwa balini khurambisa bibawelebwile haankhakyi khuwandikha mu buyuuyu oba mu busiintsa.***